

ALKOHOLPOLICY FOR STORD IL HANDBALL

VÅRT LØFTE

Klubben som organisasjon skal ha tydelege haldningar til alkohol. Born og unge skal oppleve at me tilbyr eit trygt og godt miljø der bruk av alkohol ikkje høyrer heime. Trenarar, leiarar og utøvarar skal framstå som gode førebilete for born og unge og ikkje drikke alkohol i samvær med utøvarar i denne aldersgruppa.

Tribunekulturen skal vere trygg, familievennleg og alkoholfri. På tribunane skal det derfor ikkje nyttast alkohol i tilknyting til konkurranseaktivitetar.

Dette er i tråd med NIF sine retningslinjer for alkohol.

KVIFOR HAR ME EIGEN ALKOHOLPOLICY?

Born og unge skal ta med seg gode haldningar og sunne verdiar frå miljøet dei møter i idretten. At føresette overleverer ansvaret for borna sine til idretten, er ei tillitsberklæring som må handsamast med respekt. Ansvarspersonar i klubben/idrettslaget er førebilete og rollemodellar som påverkar born og unge sine vegval, og når det gjeld alkohol. Dette stiller krav til klubben/idrettslaget sine medlemmer, involverte og engasjerte. Me er alle med på å skape den kulturen me ynskjer hos oss.

Forskning og undersøkingar viser at:*

- 8 av 10 meiner at klubbar og idrettslag skal ha klare reglar for bruk av alkohol.
- 8 av 10 meiner at ein bør la vere å drikke alkohol når ein er leiar eller trenar ved eit idrettsarrangement.
- Eit inkluderande og støttande idrettsmiljø kan utsette alkoholdebut hos ungdom.
- Utsett alkoholdebut reduserer framtidig alkoholkonsum og sjansane for alkoholrelaterte problem.

*Innhenting av fakta og statistikk er gjort av alkovettorganisasjonen AV-OG-TIL.

SLIK VIL ME HA DET HOS OSS: RETNINGSLINJER FOR BRUK AV ALKOHOL

Alle tilsette og representantar for klubben (styret, utval og andre tillitsvalde, nettverk, tilsette og representantar) skal følge klubben sine vedtekne retningslinjer for bruk av alkohol.

Desse retningslinjene har me blitt einige om i klubben vår:

Det skal ikkje førekome alkohol i samband med aktivitetar knytt til våre aldersbestemte lag. Dette gjeld til dømes i følgjande situasjoner:

- Under all aktivitet på aldersbestemte lag, både sportslege og sosiale aktivitetar. Lagleiarar har ansvar for samtlege spelarar, også dei over 18 år, og alkohol skal ikkje nytast.
- På reise under turnering og bortekamp. Det vil seia frå spelarar, trenarar og leiarar forlet heimstaden til dei er attende. Dette gjeld også føresette og andre som er med rundt laget på overnattingar, bortekampar, fellesmåltid, ved felles bustad. Dersom vaksne, myndige personar tilknytta laget skal nyta alkohol, skal dette gjerast «i sivil», det vil seia utan klubblago på klede og liknande, vekke frå spelarane, og det skal i forkant klargjerast kven som har ansvar for born og unge.
- Ved årsfestar og andre sosiale samankomstar der unge deltek, skal alle under 18 år gå heim kl.23. Transport heim skal avklarast i forkant.
- Leiarar, funksjonærar og andre som har ei rolle i arrangement skal ikkje bera preg av alkoholinntak.
- Leiarar som representerer klubben utan tilknyting til born må ha i mente at dei representerer klubben.

Det er viktig med klargjering av retningslinjene i forkant av sesongen, turneringar og ulike arrangement, både med tanke på spelarar, føresette, lagleiing og andre.

Alvorlege avvik frå retningslinene vil føre til sanksjonar i tråd med Norges idrettsforbund sine retningsliner og lov for Norges idrettsforbund og Paralympiske komité.

Denne malen for alkoholpolicy vert tilrådd av

